



Kakanj, 20.01.2023. godine
Broj: 02-46-1- 1163-1/123

Na osnovu članova 69. i 70. Zakona o javnim nabavkama BiH („Službeni glasnik BiH” broj 39/14 i 59/22), člana 99. Statuta JP Elektroprivreda BiH d.d. - Sarajevo (prečišćeni tekst) broj NO-2190/21-41./2. od 25.01.2021. godine i Statuta o dopuni Statuta JP Elektroprivreda Bosne i Hercegovine d.d. – Sarajevo, broj: SD-20745/21-70./6., od 30.07.2021. godine, te člana 5. stav (6) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva, broj: 06-26053/22 od 27.09.2022. godine, direktor Podružnice Termoelektrana "Kakanj" Kakanj, na preporuku Komisije za javne nabavke, d o n o s i

ODLUKU **o poništenju postupka nabavke**

Član 1.

Poništava se Otvoreni postupak javne nabavke uz korištenje e-aukcije broj 2000036211 koji se odnosi na Nabavku čeličnih profila za blok 6 za potrebe Podružnice Termoelektrana „Kakanj“, Kakanj (obavještenje na Portalu www.ejn.gov.ba broj 1424-1-1-291-3-458/22), iz razloga što je cijena prihvatljive ponude znatno veća od osiguranih sredstava za predmetnu nabavku.

Član 2.

Ovu Odluku objaviti na internet stranici JP EP BiH, u skladu sa članom 70. stav (6) Zakona o javnim nabavkama BiH.

Član 3.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke, istu dostavi ponuđačima i time ih obavijesti o rezultatima postupka javne nabavke.

Obrazloženje

Postupak nabavke pokrenut je Odlukom o pokretanju postupka broj: 02-45-2-17830-1/22 od 08.11.2022. godine. Javna nabavka je provedena po Otvorenom postupku javne nabavke u skladu sa članom 25. Zakona o javnim nabavkama.

Ugovorni organ je dana 22.11.2022. godine objavio obavještenje za Otvoreni postupak broj: 1424-1-1-291-3-458/22 na Portalu www.ejn.gov.ba. i u "Službenom glasniku BiH" broj: 78 od 02.12.2022. godine.

U predmetnom postupku javne nabavke ponudu su dostavila dva ponuđača, i to TREASURE d.o.o. ZENICA i ELBORG d.o.o. Kakanj.

U Zapisniku o pregledu i ocjeni ponuda od dana 10.01.2023. godine, Komisija za javne nabavke je, prikazom prihvatljivosti ponuda prema obliku, sadržaju i potpunosti iz zapisnika sa otvaranja ponuda, utvrdila da je Ugovorni organ tendersku dokumentaciju br 2000036211 od 22.11.2022. godine, a dana 29.11.2022. godine objavljena je Ispravka tenderske dokumentacije, koja se odnosila na ispravku u Obrascu za cijenu ponude- robe (ANEKS 1). Ispravka se odnosila na stavku 7. Obrasca za cijenu ponude koja nije definisana tehničkom specifikacijom br. 4122-192-21/2-22 od 24.10.2022. godine predmetnog postupka. Ponuđač ELBORG d.o.o. Tuzla sa Portala „e-nabavke“ nije preuzeo Ispravku tenderske

dokumentacije, koja je bila dostupna svim zainteresovanim ponuđačima i ponuđačima koji su preuzeli tendersku dokumentaciju 29.11.2022. godine.

Dakle, ponuda ponuđača ELBORG d.o.o. Tuzla nije uporediva i prihvatljiva, jer nije pripremljena u skladu sa tenderskom dokumentacijom i Izmenom tenderske dokumentacije 2000036211, odnosno, ne ispunjava uslove tražene tehničkom specifikacijom tenderske dokumentacije predmetnog postupka.

Ponuda ponuđača TREASURE d.o.o. ZENICA zadovoljava kriterije zahtjevane tenderskom dokumentacijom, međutim, obzirom da je procijenjena vrijednost predmetne nabavke 9.500,00 KM, a cijena dostavljene prihvatljive ponude je 10.332,60 KM, ista je, dakle, znatno veća od osiguranih sredstava za predmetnu nabavku, zbog čega je, u skladu sa članom 69. stav (2) tačka e) Zakona o javnim nabavkama BiH, i donesena je Odluka kao u dispozitivu.

Pravna pouka:

Protiv ove Odluke može se izjaviti žalba JP Elektroprivreda BiH Termoelektrana "Kakanj" Kakanj, u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka.



Direktor

Michat Sikira

Dostaviti :

- Ponuđačima
- Sektoru za ekonomske poslove
- a/a
-